

醫
酒
林
一
致

五



王 者 悦 主 编

春 湖 医 珍

之 二

医 林 一 致

清 · 骆 登 高 撰

中医古籍出版社出版发行
长春市春湖复印社印制
一九八七年五月第一版第一次印制
ISBN—80013—041—X/R·041
统一书号：一四一四九·〇二四六
定价：一百二十六元



醫林一致

暨陽駱登高茱飲甫一字恒園輯著

門人

丁有

曾象辛
光孔章

甫編定

胡世

安文思
昌予延

甫參閱

男 駱以文來菴甫校訂

噎塞反胃

噎塞者食物難入蓋因血液衰耗隔於上也反胃者食入復出

蓋因少火衰微隔於下也故二者內經統名之曰隔倉公云七

氣三因皆能致隔

七氣者寒熱怒悲喜憂愁也三因者七情所傷為內因六淫所感為外因由於氣塞痰滯

血虛等類為不內外因也

吳鶴皋曰嗜酒之人醇醪漬胃久積瘀熱多有此

疾病暴之人。躁急心執。乾燥枯槁。多有此疾。蓋人之一身。氣行則治。氣鬱則病。血充則治。血耗則病。氣血俱病。則脾胃受傷。脾胃既傷。則氣血與痰與火與食。皆能凝滯。甚者化而爲蟲。是皆能令上下不通。妨礙道路。食物難行。隔證之所由成也。迨其既成。則現證亦各有區別焉。氣隔者。呼吸不利。每常歎息。宜補氣運脾湯。血隔者。得熱則寬。得寒則痛。宜滋血潤腸湯。及人參利膈丸。痰隔者。頭重昏迷。中有痰聲。宜三化神祐丸。火隔者。面赤唇紅。時多虛嘔。宜回令丸。食隔者。飢不思食。食下痛極。宜越鞠丸。蟲隔者。面時改色。唇有雜斑。或生瘡腫。聲啞。膈時隱痛。宜剪紅丸。及靛青雷丸等藥。甚則腹有蛇形。宜蒜薤汁。潔古老人又

分吐證爲三端。上焦吐者皆從於氣。食則暴吐。中焦吐者皆從於積。或先吐而後痛。或先痛而後吐。下焦吐者皆從於寒。或朝食暮吐。或暮食朝吐。宜服蔗薑汁。及黃犬肉。雄豬肚。虎肚。貓胞。虎胞之屬。王太僕云。食不得入。是有火也。食入反出。是無火也。噎塞大都屬熱。反胃大都屬寒。然亦不可拘也。須知大便秘結。小便黃赤者爲實熱。大便溏瀉。小便清利者爲虛寒。老年之人多死血。少壯之子多食停。肥壯之軀多積痰。瘦弱之體多鬱火。或因跌撲。或因盛怒。或因嗜酒躁暴而致者。皆死血也。總之脉大有力當作熱治。脉小無力當作寒醫。面色紅赤而澤者爲實熱。黃白而枯者爲虛寒。經曰。能合色脉。可以萬全。審其陰傷火。

旺者當以養血爲急。脾傷陰盛者。當以溫補爲先。更有憂悲盤
薄。火鬱閉結。神不大衰。脉猶有力。當以倉公河間之法下之。小
湯丸。累累加用。關扃自透。因而治下。藥勢易行。設或不行。蜜
鹽下導。自宣通矣。

凡隔證得藥而愈者。切勿便與粥飯。惟以人參五錢。陳皮二錢。
老黃米一兩。作湯細呷。旬日之後。方可食粥。

死候

古云隔證有四不治。年衰者不治。糞如羊屎者不治。口
吐白沫者不治。胸腹腫痛如刀割者不治。

反胃噎塞門方

補氣運脾湯

治脾虛咽塞

六君子湯加黃蓍

一錢

砂仁 八分

生薑 三片

大棗 一枚

無痰去半夏

滋血潤腸湯

治血枯及死血在膈大便秘結

當歸 三錢

芍藥 煨

生地黄 各一錢五分

紅花 酒洗

桃仁 炒

大黃 酒煨

枳殼 炒各一錢

臨服入薑汁半酒鍾

食前服

人參利膈丸

治血少便燥膈氣之聖藥也

木香

檳榔 各七錢五分

人參

當歸

藿香

甘草



枳實炒各一兩

大黃酒蒸

厚朴製各二兩

爲末水爲丸如桐

子大每服三錢白湯下

秦川剪紅丸治蠱血成膈氣

雄黃另研

木香各五分

檳榔 三稜煨

蓬朮煨

貫仲去毛

乾漆炒烟盡

陳皮各一兩

大黃一兩五錢

爲末

麵糊爲丸如桐子大每服五十丸米飲下

四生丸治一切結熱

杜大黃去皮酒潤

黑丑淨取頭末各一兩

皂角去皮生用

芒硝各五錢

爲末水丸如桐子大每服二三十丸白湯下

三花神祐丸治積痰滿胃食下卽吐



甘遂 芫花 大戟 拌濕炒各一兩五錢 黑丑 取頭末二兩 大黃 一兩

輕粉 一錢 俱為末水丸每服三丸漸加五丸以快利為度

此大毒類聚為丸瞑眩之劑也惟聲重色紅澤脉來有力

者能行之若言微色枯脉細無力者切弗輕與

圓令丸即左金丸 治火

黃連 六兩 吳茱萸 一兩水煮少時晒干 為丸每服三錢

食鬱越鞠丸 治食

山查 神麴 砂仁 香附 童便製 蒼朮 米泔浸七日 撫芎

梔子 炒黑

螺泥丸

胃水一 反胃噎塞方



取田中大螺不拘多少新水養之取其吐出之泥陰乾爲

丸如桐子大每服三十丸藿香湯下

驢尿盪熱每服二合日服二次神效

九蒸大黃研末日服一二錢白湯下

黃犬肉治反胃煮爛先飲汁後食肉

蒜蘘酢

治噎病而內成蛇者

一飲三升其蛇卽從口中吐出病立愈

染青治噎每服二茶鍾

楮實湯

治食甘物致噎者

每服一碗

柿餅燒灰存性酒服一錢數服卽愈

白水牛喉去兩頭節并筋膜節節取下米醋一碗炙至醋盡爲

末每服一錢米飲下

甘蔗汁二碗薑汁一碗每服一碗日三服卽不吐

雄猪肚烘乾爲末每服三錢酒下

虎肚更效

貓胞一具烘乾爲末水調服卽效

虎胞更效

千葉白槿花陰乾去蒂爲末老米湯調送一錢日三服

蘆根 五兩 水三碗煎一碗候溫時時呷之極效

凡反胃證得藥而愈者切不可便與粥飯惟以人參 五錢

陳皮 二錢 老黃米 一兩 作湯細啜旬日之後方可食粥

黃米

一

神農本草經曰之黃米也

而黃米者以米之黃故名也

五

水三升煎一搗剉為粗粒

之

神效

五葉白牡丹葉剉碎去蒂為末

其無神為末水煎服

更效

其無神為末水煎服

更效

甘肅白二葉為末水煎服

水煎服一錢米水煎服



吞酸

吞酸。小疾也。可暫而不可久。或以小疾而忽之。此不知其爲翻胃之漸也。嘗見前哲之論吞酸也。有以木曰曲直。曲直作酸。當責之肝火者。有以諸逆衝上。皆屬於火者。有以濕鬱則熱。熱鬱則酸。故夏月飲食之類。以物覆冒之。其味必酸者。有以七情拂鬱。皆能令人內熱。吞酸者。此皆以火治者也。獨不思酸之爲酸也。置物於至寒之地。其味不酸。置物於至熱之地。其味亦不酸。故五穀瓜果。日暴之則不酸。久陰雨則酸矣。鍋中煮物。爐火旺則不酸。火息之則酸矣。其故何也。多因於欲熱不熱。欲寒不寒。熱不成熱。寒不成寒故耳。蓋飲食之入於胃也。熱則能化。若夫



膽火不足。或命門火衰。鬱而不化。壅塞傳道。氣逆而上。卽令人
吞酸矣。然亦不可拘也。須審其寒與熱兩端而施治焉。大抵虛
者多寒。實者多熱。小便黃赤。大便秘結者爲熱。小便清白。大便
溏瀉者爲寒。喜冷惡熱者爲熱。喜熱惡冷者爲寒。面赤色澤。脉
來洪數者爲熱。面白色枯。脉來沉遲者爲寒。審是熱者。清其少
火。開其鬱氣。審是寒者。扶其命門。消其陰翳。更有滯於痰者。化
其痰。積於食者。消其食。氣虛者。補其氣。氣鬱者。利之。脾弱者。補
之。胃氣乖違者。調和之。防微杜漸。君子慎之。豈曰小疾也而可
忽乎哉。

吞酸門方

茱連丸

治吞酸

黃連

一兩酒炒

黃芩

酒炒

吳茱萸

煑少時晒乾

陳皮

各五錢

蒼朮

七錢五分
泔浸七日

共為丸每服三錢鹽湯下

加味平胃散

治宿食不化
吞酸呃臭

蒼朮

陳皮
去白

厚朴

甘草
炙

神麴

麥芽

火鬱越鞠丸

治七情拂鬱
吞酸小便赤

山梔子

炒

青黛

飛

香附

童便浸五日

神麴

炒

撫芎

蒼朮

各等分

為丸每服三錢生薑湯下

茱萸六一散

治濕熱
吞酸



滑石 六兩

甘草 一兩

吳茱萸 一兩湯泡過

扶陽湯 治冷酸

附子 一錢

肉桂 八分

神麴 二錢

香附 一錢五分

陳皮 八分

桂連丸 治吞酸

肉桂 黃連湯泡五日

黃連 吳茱萸湯拌炒等分爲九日服三三錢

青白和胃散 治胃冷吞酸

肉桂 七錢五分

丁香 三錢

青皮 五錢

白朮 二兩

神麴 一兩五錢

共研細末薑糊爲丸鹽湯下



嘔吐噦

有聲有物為嘔，有物無聲為吐，有聲無物為噦。內經以呃逆為噦。

經曰：諸逆衝上，皆屬於火；諸嘔吐酸，皆屬於熱。

火性炎上，故諸逆衝上皆屬於火。

然諸藏諸經各有逆氣，則陰陽虛實各自不同。實火可瀉，芩連之屬；虛火可補，參芪之屬，不可不察也。胃熱則嘔而酸者，

肝之味也。火盛金傷，不能制木，則肝木自甚。素問則以為熱，東垣又以吐酸為寒，何也？經言始受熱中，東垣言末傳寒中，總之

壯盛之人多熱，虛弱之人多寒。寒氣客於腸胃，厥逆上出，故痛若不

以虛弱形證為辨，非醫也。而嘔。此經之言嘔，亦主於客寒。食則嘔者，物盛滿而上溢。

脾不能運化精微，則食滿而嘔，蓋虛

證也。足太陰病。脾

舌本強，食則嘔。

脾脉連於舌本，故舌強而嘔也。

故寒氣與新穀

氣故者，舊也。

俱還入於胃，新故相亂，真邪相攻，氣併相逆，復出於胃。

故為噦。

此言內氣虛而邪居之，邪正相薄而氣上騰，故令噦。東垣以有聲無物為噦，蓋指乾嘔也。此內經所謂噦，乃呃

逆也。病深者其聲噦。

五藏皆傷，升降失常，令中焦痞塞而下部氣絕，少陽之火上而不下，故作嘔逆也。

古

